

PRIJEDLOG

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na __. sjednici Predstavničkog doma, održanoj _____ 2009. godine, i na __. sjednici Doma naroda, održanoj _____ 2009. godine, usvojila je

ZAKON O DOPUNI OKVIRNOG ZAKONA O OSNOVNOM I SREDNJEM OBRAZOVANJU U BOSNI I HERCEGOVINI

Član 1.

U Okvirnom zakonu o osnovnom i srednjem obrazovanju u Bosni i Hercegovini ("Službeni glasnik BiH", broj 18/03) iza člana 21. dodaje se novo poglavlje IIIa. i novi član 21a. koji glasi:

„IIIa. PRAVA UČENIKA

Član 21a.

Učenik ima pravo na:

- a) smještaj i ishranu u ustanovi za smještaj i ishranu učenika,
- b) učnički kredit,
- c) učničku stipendiju,
- d) odgojni rad,
- e) kulturno-zabavne i sportsko-rekreativne aktivnosti i
- f) povlastice za prijevoz u mjesnom i međumjesnom saobraćaju.“

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

PSBiH, broj _____/_____

Sarajevo

Predsjedavajući

Predstavničkog doma

Parlamentarne skupštine BiH

dr. Milorad Živković

Predsjedavajući

Doma naroda

Parlamentarne skupštine BiH

Sulejman Tihić

OBRAZLOŽENJE

I. USTAVNOPRAVNI OSNOV

Ustavnopravni osnov za donošenje ovog zakona sadržan je u članu IV.4. a) Ustava BiH, prema kojem je Parlamentarna skupština BiH nadležna za donošenje zakona za provođenje odluka Predsjedništva BiH ili za vršenje funkcija Skupštine po Ustavu.

On je nesporan, jer je riječ o dopuni postojećeg Okvirnog zakona o osnovnom i srednjem obrazovanju u Bosni i Hercegovini.

II. RAZLOZI ZA DONOŠENJE

Ovim prijedlogom zakona propisuju se prava učenika u BiH. S obzirom da Okvirni zakon o osnovnom i srednjem obrazovanju u BiH propisuje prava i obaveze roditelja, potrebno je u zakonu barem u jednom članu propisati i prava učenika.

III. OBRAZLOŽENJE PONUĐENIH RJEŠENJA

Ovom dopunom postojećeg Okvirnog zakona o osnovnom i srednjem obrazovanju u BiH, ispred Poglavlja IV Prava i obaveze roditelja, dodaje se novo poglavlje - Prava učenika, i novi član koji propisuje neka od osnovnih prava učenika kao što su pravo na smještaj u ustanovama za smještaj učenika, pravo na povlastice za prijevoz, pravo na učenički kredit i stipendiju. Ova prava je potrebno garantirati svim učenicima u Bosni i Hercegovini, a posebno stvoriti uslove da organi nadležni za provođenje ovog Zakona osiguraju provođenje ovog Zakona i ostvarivanje prava učenika.

IV. FINANSIJSKA SREDSTVA

Za provođenje ovog zakona nije potrebno osigurati dodatna finansijska sredstva u budžetu institucija Bosne i Hercegovine.

S poštovanjem,